





先生姓陳諱師道字履常一字無已彭城人幼好學行其所知  
慕古作者不為進取計也年十六謁南豐先生曾公鞏曾大器  
之遂業于門元豐四年神宗皇帝命曾公典史事且謂脩史最  
難申救切至曾薦為其屬朝廷以白衣難之方復請而以憂去  
遂寢太學又薦其文行乞為學錄不就樞密章公惇高其義與  
來見特薦于朝而終不一往元祐初翰林學士蘇公軾與侍從  
列薦乃官之俾教授其鄉未幾除太學博士言事者謂先生嘗  
謁告詣南都見蘇公為私遂罷移潁州教授紹聖初又以餘黨  
罷換江州彭澤令未行丁母憂寓僧舍人不堪其貧暨外除猶  
不言仕者凡四年左右圖書日以討論為務蓋其志專欲以文  
學名後世也元符三年除棣州教授隨除祕書省正字將欲用  
矣歿于建中靖國元年十二月之二十九日年四十九友人鄒  
公浩買棺以殮朝廷特賜絹二百匹嘗與往來者共賻之然後



得歸初先生學于曾公譽望其偉及見豫章黃公庭堅詩愛不  
捨手卒從其學黃亦不讓士咸謂先生過之惟自謂不及也先  
生既歿其子豐登以全藁授衍曰先實知之子為編次而狀其  
衍衍既狀其行矣親錄藏于家者今十二年願未敢當也衍嘗  
謂唐韓愈文冠當代其傳門人李漢所編衍從先生學者七年  
所得為多今又受其所遺甲乙丙藁皆先生親筆合而校之得  
古律詩四百六十五篇文章一百四十篇詩曰五七雜以古律文  
曰千百不分類衍今離詩為六卷類文為十四卷次皆從舊合  
二十卷目錄一卷又手書之竊惟先生之文簡重典雅法度謹  
嚴詩語精妙蓋未嘗無謂而作其志意行事班班見于其中小  
不逮意則弃去故家之所留者止此昔楊雄作太玄法言箴賦  
如劉歆号知文始敬之後而短毀謂其必傳者桓譚一人而已  
先生之文蚤見稱于曾蘇二公世人好之者猶以二公故也今

賢士大夫競收藏之則其傳也奚待于衍耶後豈不有得手寫  
故本以証其誤者則不肖之名因附茲以不朽為幸焉其闕方  
求而補諸又有解洪範相表闡微彰善詩話叢談各自為集云  
政和五年十月六日門人彭城魏衍謹記

建中靖國辛巳之雲別涪翁于荊州翁曰陳無已天下士也其  
讀書如禹之治水知天下之脉絡有開有塞至于九川滌源四  
海會同者也其論事救首救尾如常山之蛇其作文深知古人  
之關鍵其作詩深得老杜之句法今之詩人不能當也子有意  
學問不可不往掃斯人之門雲再拜受教明年春至京賢士大  
夫出涕相弔曰無已亡矣雲驚歎失聲痛恨無窮泊來彭城求  
先生詩文且四年僅見一二最後得昌世所集凡六百五篇琮  
璜玕瑀貫列大備雲曰幸矣至寶不沒乃今有獲因記涪翁之  
語錄以示昌世自昔名世之士著書立言必賴其徒傳之文中



子講道河汾以續六經房魏之倫皆北面受業及登廊廟不能  
顯傳其書卒以洩絕論者至今惜之昌世先生之高弟操行文  
章雅善先生之風雖隱約布帛而所立絕人不肖狗合故能蒐  
拾遺文成一家之言又序先生出處之大節其辭蔚然讀之使  
人凜然增慕然先生之道必傳于後世者昌世之力也千載之  
下可以知其賢矣政和丙申正月甲午元城王雲題  
讀后山詩大似參曹洞禪不犯正位切近而忌死語非冥搜旁  
引莫窺其用意深處此詩註所以作也近時刊本參錯繆誤政  
和中王雲子飛得后山門人魏衍親授本編次有序歲月可考  
今悉據依略加緒正詩止六卷益以註各釐為上下作之有謂  
而存之可傳無恠夫詩之少也衍字昌世作后山集記頗能道  
其出處今置之篇首後有學者得以覽觀焉 天社任淵  
序三首畢

后山陳先生詩集卷第一

妾薄命二首

后山自註曰為曾南豐作漢書許后傳曰奈何妾薄命端過竟寧前故曹植有樂府

主家十二樓一身當三千古來妾薄命事主不盡年起舞為主  
壽相送南陽阡恐着主衣裳為人作春妍有聲當徹天有淚當  
徹泉死者恐無知妾身長自憐  
葉落風不起山空花自紅捐世不待老惠妾無其終一死尚可  
恐百歲何當窮天地豈不寬妾身自不容死者如有知殺身以  
相從向來歌舞地夜雨鳴寒螿

送外舅郭大夫槩西川提刑

丈人東南來復作西南去連年萬里別更覺貧賤苦王事有期  
程親年當喜懼畏與妻子別已復迫曛暮何者最可憐况生未  
知父盜賊非人情蠻夷正狼頌功名何用多莫作分外慮萬里  
早歸來九折慎馳騫嫁女不離家生男已當戶曲逆老不侯知





人公豈誤所以期陳平者笑故有曲逆不侯之歎

送內

麀麀顧其子燕雀各有隨與子為夫婦五年三別離兒女豈不  
懷母老母已筭父子各從母可喜亦可悲關河萬里道子去何  
當歸三歲不可道白首以為期百畝未為多數口可無飢吞聲  
不敢盡欲怨當誰歸誰

別三子

夫婦死同穴父子貧賤離天下寧有此昔聞今見之母前三子  
後熟視不得追嗟乎胡不仁使我至于斯有女初束髮已知生  
離悲枕我不肯起畏我從此辭大兒學語言拜謁未勝衣喚爺  
我欲去此語那可思小兒襁褓間抱負有母慈汝哭猶在耳我  
懷人得知

寄外舅郭大夫

巴蜀通歸使妻孥且舊居深知報消息不恐問何如身健何妨  
遠情親未肯踈功名歎老病淚盡數行書

城南寓居二首

游子問何歸韋杜城南村秋水深可測挽衣踏行雲道暗失歸  
處栖鳥故不喧牛羊閉籬落稚子猶在門  
潭二光明殿稽首西方仙平生脩何行步有黃金蓮我豈昔好  
徑報以履下穿洗足坐道場卒二此何緣

憶少子

端也早豐下歲晚未可量我老不自食安得如我長呱二弃不  
子退省未始忘吾母亦念我與尔寧相望

絕句

翼二陳州門萬里遷人道昔人死別處一笑欲絕倒

寄外舅郭大夫



丈人魯諸生明刑如臯陶幸寬內顧憂未惜一身遙西南萬里  
行可以斷繩橋慎勿冠惠文神母仁如堯

贈二蘇公

內字誤  
作右是

岷峨之山中巴江桂椒楸檣柞樟青金黃玉丹砂良獸皮鳥  
羽不逞當異人間出駭四方嚴王陳李司馬楊一翁二季對相  
望竒寶橫道驥服箱誰其識者有歐陽大科異等固其常小却  
盛之白玉堂典謨雅頌用所長度越周漢登虞唐千載之下有  
素王平陳鄭毛視荒二後生不作諸老亡文体變化未可量萬  
口一律如吃羗妖狐幻人大陸梁虎豹却走逢牛羊上帝惠碩  
袂不祥天門夜下龍虎章前驅吳回後炎皇絳旂丹轂朱冠裳  
從以甲冑萬鬼行乘風縱燎無留藏天高地下日月光授公以  
柄扶病傷士如稻苗待公秧臨流不度公為航如大醫王治膏  
盲外證已解中尚強探囊一試黃昏湯一洗十年新學腸老生

塞口不敢嘗向來狂殺今尚狂請公別試囊中方

南豐先生挽詞二首

早弃人間事真從地下遊丘原無起日江漢有東流身世從違  
裏功言取次休不應須禮樂始作後程仇

程元仇璋皆文中子  
高弟后山自謂才不及

精爽面長夜衣冠出廣庭勲庸留琬琰形像付丹青道喪餘篇  
翰人亡更典刑侯芭才一足白首太玄經

暑雨

密雨吹不斷貧居常閉門東溟容有限西極更能存束濕炊懸  
釜翻牀補壞垣倒身無着處呵手不成溫

送江楚州

濠梁初得意闕里舊論詩晚歲何多難經年始一辭淮人飢饉  
後良吏拊循時欲託山陽簿翁歸不受私

送江端禮季共



正學元非世能詩新有聲諸生交鄭泰多士閑何生汎愛經過  
數移書底裏傾又為淮海別病眼向誰明

晁無咎張文潛見過

白社雙林去高軒二妙來排門衝鳥雀揮壁帶塵埃不憚除堂  
費深愁載酒回功名付公等歸路在蓬萊

次韵荅邢居實二首

居實字敷夫邢恕和叔子少有俊聲

漢庭用少公何在不使羣飛接羽翰今代貴人須白髮掛冠高  
處未宜彈

秋來為客意何如千里河山信不疎昔日老人今則少不妨紅

葉閉門書

李商隱詩守道清秋還寂寞葉丹苔碧閉門時尚書故實曰  
鄭虔於慈恩寺借僧房居止日取紅葉學書病無紙也紅葉柿葉

丞相温公挽詞三首

恭默思良弼詩書正百工事多違謝傳天遽奪楊公一代風流  
盡三師禮數崇若無天下議美惡併成空

百姓歸周老三年待魯儒時方隨日化身已要人扶玉几雖來  
晚明堂訖受圖心知死諸葛終不羨曹蜍  
少學真成已中年託著書輟耕扶日月起廢極吹噓得志寧論  
晚成功不願餘一為天下慟不敢愛吾廬

次韵荅學者四首

自注曰黃州何即兄弟何韻  
字斯舉黃岡人嘗從蘇黃問學

津二爽氣貫眉目十五男兒萬里身筆下倒傾三峡水胸中別  
作一家春

黃塵投老得何郎准擬明年共我長熏目不為杯酒污飛揚未  
許老夫量

暗中摸索不難知眼裏輪囷却見稀行地徑須先八駿刺天終  
不羨群飛

太阿無前鋒不缺鉛刀不堪供一切至柔統指剛則折善而蔽  
之光奪月



次韵秦觀聞鴈聽雞二首

行斷哀多影下留有人中夜攬衣裘筆頭細字真堪恨眼裏長  
繁不解愁退之短繁歌曰一朝富貴還自恣長繁高張照珠翠又夜書細字綴語  
立馬階除待一鳴何如春夢不聞聲固知鷄口羞牛後不待鳴  
羣已可驚

嘲秦觀

字少章秦觀少游弟也少章登第後方娶此時猶未娶故后山作戲句

長缺歸來夜帳空衡陽四雁耳偏聰若為借與春風看無限珠  
璣咳唾中

和豫章公黃梅二首

韞直豫人

寒裏一枝春白間千點黃道人不好色行處若為香  
色輕花更艷體弱香自永玉質金作裳山明風弄影

答張文潛

我貧無一錐所向皆四壁瀛洲乏風露胡不減飢色昔聞杜氏

子剪髻事尊客君婦定不然三梳奉巾櫛

來詩云欲餉子乘婦問婦食箠過午尚懸櫛故云

九日寄秦觀

疾風回雨水明霞沙步叢祠欲莫鷓九日清樽欺白髮十年為  
客負黃花登高懷遠心如在向老逢辰意有加淮海少年天下  
士可能無地落烏紗

巨野

餘力唐虞後沉人海岱西不應容桀黜寧復有青齊燈火魚成  
市帆檣藕帶泥十年塵霧底瞥眼恠鳧鷖

示三子

時三子已歸自外家

去遠即相忘歸近不可忍兒女已在眼省目略不省喜極不得  
語淚盡方一哂了知不是夢忽二心未穩

嗚呼行

去年米賤家賜粟百萬官倉不餘掬青錢隨賜費追呼昔日剗



創令補肉今年夏旱秋水生江淮轉粟千里行不應遠水救近  
渴空倉四壁雀不鳴似聞為政不為費兩不相傷兩相濟十年  
歛積用一朝驚濤破山風動地

秋懷示黃預

窗鳴風歷耳道壞草侵衣月到千家靜林昏一鳥歸冥二塵外  
趣稍<sub>二</sub>眼中稀送老須公等秋基未解圍

送張支使

曠度逢知晚高才處不難清秋一鶚上拭目萬人看白酒初同  
醉黃花已戒寒魂將衰老事一二報長安

送杜侍御純陝西轉運

餽糧千里古無策木牛流馬功不極邊頭數米換黃金將軍汗  
馬未伏櫪黠羌人面作胡語烏鼠貪生尔如許熊虎可避蟲可  
驅覆巢熏穴意何如漢虜相當庸可盡聊城止用一封書巧手

莫為無麵餅誰能留渴須遠并國家有急君得辭徐人不勞扣  
關請隴上壯士莫捫舌河西狂生防係頸向來此地幾送迎草  
間翁仲口不瘖十年兩熟能可待一歲四守人何心老稚持車  
車不留歸人不行行轉頭關中止須蕭丞相省內早要富民侯

送楊侍禁兼寄顏黃二公二首

長韻

相逢今已晚同府尚經年衆口不成虎諸公更薦賢兩親須薄  
祿一障欲乘邊往問顏夫子何妨試着鞭  
多問黃居士終年欠一書因人候消息有使報何如向晚逢楊  
子真堪託後車親年方賴祿不惜借吹噓

送外舅郭大夫夔路提刑

天險連三峽官曹據上游百年雙鬢白萬里一身浮可使人無  
訟寧須意外憂平生晏平仲能費幾狐裘

雪後黃樓寄負山居士張仲連



林廬煙不起城郭歲將窮雲日明松雪溪山進晚風人行圖畫  
裏鳥度醉吟中不盡山陰興天留憶戴公

謝人寄酒

舊香餘味寄黃封厭見春泥滿眼紅千乘莫從公子後百壺能  
為故人東

從蘇公登後樓

倏作三年別才堪一解顏樓孤帶清洛林缺見巴山五月池無  
水千年鶴自還白鷗沒浩蕩愛惜鬢毛斑

送東坡蘇公知杭州

平生羊荊州追送不作遠豈不畏簡書放麋誠不忍一代不數  
人百年能幾見昔為馬口銜今為禁門鍵一雨五月涼中宵大  
江滿風帆目力短江空歲年晚

送秦觀二首

時少章從東坡學于杭州

士有從師樂諸兒却未知欲行天下獨信有俗間疑秋入川原  
秀風連鼓角悲目前狔犬類未必慰親思  
師法時難得親年富之餘端為李君御盡得鄴侯書結友真莫  
逆論才有不如折腰終莫補可但曳長裾

和江秀才獻花三首

風雨東籬冷落看清溪水落玉峯寒酒家不辦當壚費乞與先  
生種杏壇

踈花得雨數枝黃白髮綠愁百尺長要與老生同一醉故留秋  
意作重陽

江公孤憤不宜秋吟作秋虫到白頭過我可為千日醉從公難  
作百錢遊

次韵李節推九日登南山

平林廣野騎臺荒山寺鳴鐘報夕陽人事自生今日意寒花只



作去年香中歌更覺霜侵鬢語妙何妨石作腸落木無邊江不  
盡此身此日更須忙

別負山居士

田園相與老此別意何如更病可無酒猶寒已自和高名胡未  
廣詩興尚能多沙草東山路猶須一再過

送趙教授

束髮相看到白頭了知公鬢不勝憂可堪親老須三釜又着儒  
冠忍一羞平世功名須晚節向來旬月取封侯北州豪傑知誰  
健乞我黃淤十里秋

次韵春懷

欲作歸田計無如二頃何折腰方賴祿拭面未傷和日下烏聲  
樂塵生鳥跡多渡頭留小楫乘興得相過

黃梅五首

異色深宜晚生香故觸人不施千點白別作一家春  
舊鬢千絲白新梅百葉黃留花如有待迷國更須香  
再二稍頭綠婷二花下人欲傳千里信暗折一枝春  
黃裏含真意春容帶薄寒欲知誰稱面徧察一枝看  
花裏重二葉釵頭點二黃祗應報春信故作着人香

田家

鷄鳴人當行犬鳴人當歸秋來公事急出處不待時昨夜三尺  
雨窻下已生泥人言田家尔苦誰得知

巨野二首

撝懶州教

紅落芙蓉晚青深蒲稈秋平湖無過鳥鳴鼓有行舟  
蒲港侵衣綠蓮塘亂眼紅將身供世事結纜待回風

別叔父錄曹

為吏專刑法成家託弟昆三年如昨日一笑更何言扶老須微



祿移官實至恩兩疎元父子何日復東轅

出清口

家世山東飽耕稼晚託一舟順流下漁溝寒餓不下筋推施轉頭更五夜平明放溜出清口霜落潮回霧連野平淮一夢三十里有日無風神所借似憐憂患滿人間百孔千瘡容一罅文章末技將自效語不驚人神可嚇子女玉帛君所餘寄聲白鳥煩多謝

泛淮

冬暖仍初日潮回更下風鳥飛雲水裏人語櫓聲中平野容回顧無山會有終倚牆聊自逸吟嘯不須工

猴馬

并引 韓鄂四時雜要曰常係猴于馬房內辟惡消百病令馬不著疥

楚州紫極宮有西沐猴振索以戲馬頰索以驚圍人不測從後鞭之人言沐猴宜馬而今為累作詩以導馬意  
沐猴自戲馬自驚圍人未解猴馬情猴其天資馬何罪意欲防

患猶傷生異類相宜亦相失同類相傷非所及志行萬里困一誤吐豆齧菱甘伏櫪

徐氏閑軒徐大正

倦遊梁楚愛吾廬老寄山林孰與娛想見杖藜臨過鳥更能赤手縛於菟君寧平世輕三釜我亦東原有一區擬買婵娟作歸計可無堆玉斗量珠

寄豫章公三首

自注云許官茶未寄豫章直家于洪州之雙井

密雲不雨臥烏龍已乏人間第一功得諾向來輕季子打門何日走周公

媿無一縷破雙團慣下薑鹽枉肺肝誓酒不應忘此老論詩寧肯乞麗官

人須百斛買雙鬟水截龍章試虎班老覺才疎渾不稱自携雲月瀉潺湲



贈秦觀兼簡蘇迨二首

兩秦並立難為下，萬里長驅在此初。別後未忘三日語，人來肯作數行書。

文章從古不同時，詩語驚人筆亦奇。過與阿平應絕倒，世間能有幾人知。

次韻秦少游春江秋野圖二首

自注云宗室所画

翰墨功名裏，江山富貴人。倏看雙鳥下，已負百年身。江清風偃木，霜落雁橫空。若箇丹青裏，猶須著此翁。

幼嶺

自注云外氏有石泉山号幼嶺

外家英俊場，季氏不好弄。用意丘壑間，頗以石自奉。誰言拳握間，意作萬牛重。岱宗小天下，不辦一席用。

絕句

斫水水可斷，續弦二可完。如何鄭公客，不作百年看。 卷一畢

后山詩集卷第二

贈歐陽叔弼

名棐六一居士之第三子也家于潁州

早知汝穎多能事，晚以詩書託下僚。大府禮容寬懶慢，故家文物尚嫖姚。只將憂患供談笑，敢望功言答聖朝。歲歷四三仍此地，家餘五一見今朝。

觀文忠公家六一堂圖書

歐陽文忠公

生世何用早，我已後此翁。頗識門下士，畧已聞其風。中年見二子，已復歲一終。呼我過其廬，所得非所蒙。先朝羣玉殿，冠佩環羣公。神文煥王度，喜色見天容。御榻誰復登，帝書元自工。黃絹兩大字，一覽涕無從。似欲託其子，天意人與同。歷數况有歸，敢有貪天功。集古一千句，明二並群雄。誰為第一手，未有百世公。廟器刻科斗，寶樽播華蟲。緬懷弁服士，酬獻鳴琤瑳。挿架一萬軸，遺子以固窮。素琴久絕絃，棊酒頗闕供。向來一瓣香，敬為魯



南豐世雖嫡孫行名在惡子中斯人日已遠千歲幸一逢吾老  
不可待草露濕寒螿

送蘇迨

胷中歷々着千年筆下源々赴百川真字飄揚今有種清談絕  
倒古無傳出塵解悟多為路隨世功名小着鞭白首相逢恐無  
日幾時書札到林泉

送黃生兼寄二謝二首

南第諸兄蚤相見別時託子以無倦百年論交見子知一朝取  
別寧吾願妙歲遠遊真所難肯為得官近長安聖作詩書端有  
意猶須用心科舉外

城西兩謝俱能文穰丞精悍吾所聞每讀吾詩得人意使不能  
文已可人我昔謝公門下士早年妄作功名意如今老寄潁河  
東九泉雖深愧此公

次韻蘇公西湖從魚三首

窮秋積雨不破塊霜落西湖露沙背大魚泥蟠小魚樂高丘覆  
杯水如帶魚窮不作搖尾憐公寧忍口不恐鱸脩鱗失水玉參  
差晚日搖光金破碎咫尺波濤有生死安知平陸無灘瀨此身  
寧供刀几用着意更須風雨外是間相忘不為小濠上之意誰  
得會枯魚雖泣悔可及莫待西江與東海

赤手取魚如拾塊布網鳴舷攻腹背豈知激濁與清流恐俱駢  
頭牽翠帶居士仁心到魚鳥會有微生化餘鱸寧容網目漏吞  
舟誰能烹鮮作苛碎我亦江湖釣竿手悞逐輕車從下瀨生當  
得意落鷗邊何用封侯墮鳶外不如此意今得所置身暗與神  
明會徑須作記戒鯨鯢防有任公釣東海

詩成落筆騷歷塊不用安西題紙背小家厚歛四壁立拆東補  
西裳作帶堂下齧餼牛何罪太山之陽人作繪同生異趣有如



此餅懸甍間終一碎流水長者今公是雨花散亂投金瀨人言  
充庖須此輩慈觀更須容度外賜牆及有人得視公才繁二大  
都會有憐其窮與不朽我亦牽連書玉海一大作一字

次韻蘇公西湖觀月聽琴

清湖納明月遠覽無留雲人生亦何須有酒與桐君自醉寧問  
客一樽復一樽平生今不飲意得同酣醺清言冰玉質壞衲山  
水紋殫精有後悟畜耳無前聞潛魚避流光歸鳥投重昏信有  
千丈清不如一尺渾

次韻蘇公涉顛

衡風不成寒脫木還自竒坐看白日晚起行清潁溜三穴未為  
得一舟不作癡路暗鳥遺音江清魚弄姿字定恠物變意行覺  
舟遲公與兩公子妙語含風漪但怪笑談劇莫知賓主誰得句  
未肯吐鬱鬱見曉者相從能幾何行樂當及茲生忍自作難百

憂間一嬉時尋赤眼老不探黃口見解公頭上巾一洗七年錨  
至潔而納汚此水真吾師須公曉二子人自窮非詩

再次韻蘇公示兩歐陽

公詩周魯後曳二垂天雲府中顧長康風味如麴君非公無此  
客請壽兩山樽叔季大儒後偏醒亦同醺心與柏石堅章成綺  
繡文多難獨不補少彘今無聞時無古今異智有功名昏可使  
百尺底不作數斗渾

次韻蘇公勸酒與詩

五士三不同煩公以詩訴強酒古所辭妙語神其吐自念每累  
人舉扇無我汚復使兩歐陽縮手不分付平生西方社努力須  
自度不憂龜九頭肯為語一誤頓悟而漸脩從此辭世故公看  
萬金產寧能一朝具兩生文章家夙紀鳴蟬賦請公堅城壘兵  
來後無數



次韻蘇公督兩歐陽詩

吟聲正可候蟲鳴酒面猶須作老兵豈有文章妨要務孰知詩律自前生向來懷璧真成罪未必含光不屢驚血指汗顏終縮手此懷端復向誰傾

次韻蘇公題歐陽叔弼息齋

行者悲故里居者愛吾廬生須着錐地何賴汗牛書丈室八尺牀稱子閑門居百為會有還一足不願餘紛々老幼間失得了懸虛客在醉則眠聽我莫問渠論勝已絕倒白妙方愁予竹几無留塵霜畦有餘蔬相從十五年不為食有餘時須一俛仰君可待遽蔭

次韻蘇公竹間亭絕句

竹裏高亭燈燭光今年復得杜襄陽倏看老蓋千年後更想霜林百尺強

寄參寥吳中詩僧道潛自号參寥子

平生西方願擺落區中緣惟于世外人相從可忘年道人贊公徒相識幾生前早作步兵語晚參雲門禪拾策孤山下一室頗蕭然林昏出幽磬竹杪橫疎烟昨日寄書至坐想參寥泉此泉如此公遇物作清妍一別今幾時綠首成白顛子亦憐我老我豈要子憐會逢萬里風一繫五湖船酌我岩下水咽子山中篇

北渚

南蕩不可度北渚風浪生向來狐兔迹已復蛟鼉鳴

東禪

東阡急雨不成泥度密穿青取徑微邂逅無人成獨往慙勤有月與同歸

八月十日二首

一夢人間四十年只應炊竈固依然兩官不辦一丘費五字虛



隨萬里船

人生七十今強半老去光陰已後身更欲置身須世外世間原自不關人

迎新將至漕城莫歸遇雨

早投林野違風雨晚傍塵沙飽送迎却愧兩家屠販子卧聽車馬過橋聲

即事

老覺山林可避人正須麋鹿與同羣却嫌鳥語猶多事強管陰晴報客聞

此句必有所指北史高阿那肱曰漢兒多事強知星宿東坡詩不會人間閑草木豫人何事管興亡同一意也

齋居

青奴白牯靜相宜老罷形骸不自持一枕西窓深閉閣卧聽叢竹雨來時

中秋夜東剎贈仁公

盈二秋月不餘分葉露懸光可數塵此地正須煩一笑要令排戶問東鄰

十五夜月

向老逢清節歸懷託素暉飛螢元失照重露已霑衣稍二孤光動沈沈萬籟微不應明白髮似欲勸人歸

胡士彥挽詞二首元茂

晚進違前輩平生闕異聞吾猶識此老天豈喪斯文善學家傳業英詞世不羣固應訊尚白官序見楊雲

此地來何晚經年見未頻荐賢仍睹命有道可辭貧徒弟三千子聲名四十春襄陽耆舊內無復姓龐人

送趙承議

冷時為潁州簽判受戒而去

先生隱德世難名晚見諸孫也自成潁水向來多好向道山今日有宗英林湖更覺追隨盡巾帽猶堪語笑傾勤苦讀書終不



補未須墻角弄長檠

寄李學士格非字文叔

眼看游舊半東都五歲曾無一紙書平日齊名多早達莫年同  
國未情疎稍尋東剎論茲事賴有西方託後車說與杜郎須著  
便不應濠上始知魚

雪

初雪已覆地晚風仍積威木鳴端自語鳥起不成飛寒卷聞鷺  
犬鄰家有夜歸不無慙敗絮未易泣牛衣

晚出

應俗敢辭疾衝風寧小驅聊為一日役不憚百金驅雪路無行  
迹冰枝有落烏寒門閉蕭瑟窮里聽噦吁

寄晁載之兄弟

人言婚宦情欲本我始求脫君已半孰知一世如一夢在夢而

覺寧待旦寒簷凍雨作秋聲冷屋風燈挑不明尊前已作十年  
語後會未期吾屢驚一聞七字心已識鈎章棘句天與力念子  
方壯我已衰不見參天二千尺季也亦有詩百篇叔子擬度驂  
駟前端能過我三冬學可復參儂一味禪

寄答王直方

人情校往復屢勉終不近新詩已經年知子不我怨生世餘幾  
何尺筭日取寸懷祿有遐心從俗無遠韻時從府中歸數過林  
下飯平生功名意回作香火願三年不舉觴吻頻煙火炊豈無  
兩蒼龍雷我一雨潤官麓詩未工猛乞無小靳人生如此耳文  
字已其閨是身雖臭腐寧作青紫植永懷忘年友死矣餘令聞  
念子頗似之老我何所恨

寄侍讀蘇尚書

六月西湖早得秋二年歸思與遲留一時賓客餘蒙叟在處况



童說細侯經國向來須老手有懷何必到壺頭遙知丹地開黃  
卷解記清波沒白鷗

寄亳州林待制希

湖海相望闕寄聲雲林過雨未全晴青衫作吏非前日白首論  
文笑後生似聽兒童迎五馬稍脩書札問專城一聞苦李蒙莊  
句不復人間世後名

臥疾絕句

老裏何堪病再來愁邊不復酒相開一生也作千年調兩脚猶  
須萬里回

南軒絕句

少日書林頗著勲莫年貪佛替論文銅鑪瓦枕芒鞋裏此外惟  
須對此君

獨坐

文章平日事風竹暮年須哀疾懸知此霜毛不更除一丘吾欲  
往百畝有如無醜魅須游子乾坤著腐儒扣門聞啄木喚酒有  
提壺門迳無行迹秋來不遣鋤

寄送定州蘇尚書

元祐八年蘇公知定州宣仁聖烈太后  
上昇時事漸變故此詩意勸公省事高退

初聞簡策侍前旒又見衣冠送作州北府時清惟可飲西山氣  
爽更宜秋功名不朽聊通袖海道無違具一舟枉讀平生三萬  
卷貂蟬當復自變年

寄答李方叔

平生經世策寄食不資身孰使文章著能辭轍跡頻帝城分不  
入書札訶何人子未知吾嬾吾寧覺子貧

智寶院後樓懷胡元茂

晚渡呼舟疾寒城着霧凜昏鷗明鳥道風葉亂霜林久客登樓  
目中年懷舊心猶須一長籥領覽自霑襟



元日

老境難為節寒稍未得春一官兼利害百慮孰疎親積雪無歸路扶行有醉人望鄉仍受歲回首望松筠

放懷

施食烏鶯喜持經烏鼠聽秋藜矜矍鑠顧影怪伶俜門靜行隨月窓虛臥見星攤衾眠未穩艱阻飽曾經

絕句

此生精力盡于詩末歲心存力已疲不共盧王爭出手却思陶謝與同時

送伯兄赴吏部改官

先子初增秩年侵鬢已皤念兄今善繼此別喜如何親老家仍困門衰仕未多猶須教兒子早要中文科

寄張文潛舍人

今代張平子雄深次子長名高三俊上官立右驕旁車笠吾何恨飛騰子莫量時平身早達未用夢凝香

後湖晚坐

水淨偏明眼城荒可當山青林無限意白鳥有餘閑身致江湖上名成伯季間目隨歸雁盡坐待莫鷗還

春興

東風作惡不成寒野水穿沙自作灘細草無端留客臥繁枝有意待人看

次韻田山人贈沈東老二首

一杯領意不須沽六字持身已有餘癡子未知天上樂先生今解世間書

右田山人

隨世功名非所望稱家豐儉不求餘青衫出指論奇字白髮挑燈寫細書

右沈東老



送孝忠二首元傳道

老眼原多淚春風見此行又為貧賤別更覺急難情斗食吾堪  
老詞場尔向榮未須憐野鴛家法付宣城  
經史三年學聰明一旦開把文甘潦倒數日待歸來士患聲名  
早官今歲月催有親須薄祿臨路尚徘徊

以拄杖供仁山主二首

錯節孤根勁有餘坐床須按起須扶一生用底令相贈更問林  
間有此無

洗足投筇只坐禪厭尋岐路費行纏老來不復人間事不用山  
公更削圓

項城道中寄劉令使脩溪橋項城屬陳州

老怯危橋泥沒膝喜聞吾黨政如春須君不惜千金費此後寧  
無我輩人

碓磨寨

唐書黃巢圍陳州人大飢倚死墻墜賊俘以食  
日數十人乃列百巨碓糜皮骨于臼并啖之

以人為食殺為戲自昔無聞尔所先信有忘身一言盡獨能遺  
真萬人傳

寄張宣州未

與世情將盡懷仁老未忘故人今五馬高處謾三長詩豈江山  
助名成沈鮑行肯為文俗事打鴨起鴛鴦

送倫化主

赤鬚白足可憐生躡蹻擔囊壯此行要致雪峰千五百不妨兼  
識謝宣城

西湖

小徑才容足寒花知自香官池下鳧雁荒塚上牛羊有子吾甘  
老無家去未量三年哦五字草木借輝光

別月華巖



寓世生同里隨方去有情來為百年別不惜片時程齋鉢須勤  
供經鍾莫倦鳴當來第三會此界却逢迎

送吳先生謁惠州蘇副使

吳遠游蘇公嘗有書與之

聞名欣識面異好有同功我亦慙吾子人誰怨此公百年雙鬢  
鬢萬里一秋風為說任安在依然一秃翁

別圓澄禪師

法施老人卧不出呼我取別行問疾磨盤拭筋勸一飽少待須  
臾莫倉卒早年着眼觀文字萬卷初無一言契多生綺語未經  
懺半世虛名足為累此去他來尚有緣頭童齒豁恐無年慙勤  
三請久住世弊惡可念未可捐平生準擬西行計老着人間此  
何意他年佛會見頭陀知是當年老居士

別觀音山主

離合應生理過逢豈近緣情親見今日語妙記他年閉戶安禪

主衝風逆水舡不應清夜月故作別時圓

離頌

河市千人聚寒江百丈牽吾生能幾日此地費三年叢竹防供  
爨池魚已割鮮拙勤終不補他日愧無傳

湖上

湖上難為別梅梢已着春林喧鳥啄風過水鱗綠有三年  
盡情無一日親白頭厭奔走何地與為鄰

舟中二首

惡風橫江三卷浪黃流湍猛風用壯疾如萬騎千里來氣壓三  
江五湖上岸上空荒火夜明舟中坐起待殘更少年行路今頭  
白不盡還家去國情

野火燒原雉脊離黃塵漲天牛亂闕江間無日不風波老去何  
時耽奔走詩書滿腹不及口遮日寧須釣竿手愧尔茅簷灸背



入仰目青天搔白首

規禪停雲齋

淨居衆天人宮殿隨所適少仕老不歸重門閑榛棘道人秀叢  
林妙語出禪寂是身如浮雲隨處同建立平生與二子嗜好用  
一律我此復助緣語綺已多責何年一把茅據坐孤翠律呵佛  
罵祖師塗糊千五百

后山先生詩集卷第二畢

后山詩集卷第三

答晁以道

轉走東南復帝城故人相見眼偏明十年作吏仍餬口兩地為  
鄰闕寄聲冷眼尚堪看細字白頭寧復要時名孰知范叔寒如  
此未覺嚴公有故情

病起

今日秋風裏何鄉一病翁力微須杖起心在與誰同災疾資千  
悟冤親并一空百年先得老三敗未為窮

九月九日魏村見過

節裏能相過談間可解憂致疎君未肯得此我何由語到君房  
妙詩同客子游一經從白首萬里有封侯

別黃徐州

姓名曾落薦書中刻畫無益自不工一日虛聲滿天下十年從



事得途窮白頭未覺功名晚青眼常蒙今昔同衰疾又為今日  
別數行老淚洒西風

次韵答晁無斁

女生願有家名妾以不聘田里亦慕君又惡不由正欲行不問  
塗已破寧願餽耕蠶無一厘庖井要三徑還家憂患餘挽鬚兒  
女競十年寧有此一寒可無命平生晁夫子得士公室慶稍無  
車馬音復作賓客請論文到韓李念舊說蘇鄭長年斷消息獨  
語誰和應此生思未報他日目不瞑歸臥無好懷扣門有佳聽  
詩來霜雪後更覺天宇淨少好老未工持刃授子柄

次韻無斁偶作二首

肩聳三峯峻眉龐八字橫玄談人絕倒家法句清新八俊先張  
子諸公少賈生已傳烏鵲喜欲聽鶻鷂聲  
此老三年別何時萬里廻更無南去雁猶見北枝梅會有哀籠

烏寧須溺死灰聖朝無弃物與子賦歸哉

古墨行

秦郎百好俱第一烏丸如漆姿如石巧作私身與鏡面借美于  
外非良質潘翁拜跪摩老眼一生再見三歎息了知至鑿無遁  
形王家舊物秦家得君今所有亦其亞伯仲小低猶子姪黃金  
白璧孰不有古錦句囊聊可敵睿思殿裏春夜半燈火闌殘歌  
舞散自書細字答邊臣萬里風塵入長筭初聞橋山送弓劍寧  
知玉筮人間見夜光炎二衝牛斗會有太史占星變人生尤物  
不必有時一過目驚老醜念子何忍遽磨研少待須臾圖不朽  
明窓淨几風日暖有愁萬斛才八斗徑須脫帽管城公小試玉  
堂揮翰手

次韻晁無斁除日述懷

世學違從眾名家最近天感時猶壯志得句起衰年表酒無可



飲陶琴不具弦平生揮翰手幾見絕韋編

次韵無斲雪後二首

閉閣春雲薄開門夜雪深江梅猶故意湖鴈起歸心草潤留餘澤窓明度積陰慙報春信屋角有來禽  
取性無通介隨時有異同雪餘蓋地白春淺着梢紅寄食虛長筭論詩闕近功相看不相棄賴有古人風

贈魏衍三首

徐曹皆還

妙年文墨秀儒林老眼今晨得再明歷塊過都聊可待未須回首一長鳴

崔蔡論文不足過新詩平處到陰何寧須萬戶權輕重不待千篇一已多

敏捷為文筆不休何妙縮手小遲留名駒已自思千里老子終當讓一頭

贈寇國寶三首

承家從昔如君少得士于今孰我先口擬說詩心已解世間快馬不須鞭

往歲黃童令寇君高文要學亦多聞留年看舉天南翼過目先空冀北羣

虎子墮地氣食牛雀兒浴處魚何求可奈我衰才亦盡正須二子與同游

次韵春懷

老形已具臂膝痛春事無多櫻筍來敗絮不溫生蟣虱大杯覆酒着塵埃衰年此日常為客舊國當時只廢臺河嶺尚堪供極目少年為句未須哀

河上

背水連漁屋橫河架石梁窺巢鳥鵲競過雨艾蒿光鳥語催春



事窓明報夕陽還家兒女慰歸路不應長

兒女慰作慰兒女是

題柱二首

有序永安驛廊東柱有女子題五字云無人解妾心日夜長如醉妾不是瓊奴意與瓊奴類讀而哀之作二絕句

桃李摧殘風雨春天孫河鼓隔天津主恩不與妍華盡何限人間失意人

從昔嬋娟多命薄如今歌舞更能詩孰知文雅河陽令不削瓊奴柱下題

蠅虎

物微趣下世不教隨力捕生得稱虎匿形注目搖兩股卒然一擊勢莫禦十中失一八九取吻間流血腹如鼓却行奮臂吾甚武明日淮南作端午

陶朱公廟

史記范蠡變名姓適齊為鴟夷子皮之陶為朱公陶即定陶今曹州濟陰縣乃其地也

千篇奏牘謾多知百戰收功未出奇名下難居身可辱却將湖海換西施

次韻晁無斁夏雨

咫尺隔山海作書問如何蟻垤既畜糧蛙窟如鳴鼉積暑復一雨斧斫仍手摩鈎窓欲懸麻出門已橫河人言月離畢未必致滂沱東臯繁草木蘭艾不同科驚魚畏密罟獨鳥鳴南柯稍無虫飛喧復覺蟬語多因聲作好惡與物殊未和臥聞夜來雨歸種故山禾百年須下澤萬里付長羅先生斷百好尚以詩作魔縮子萬言手听渠七字哦室迹人則遠燕默勞者歌思君得老瘦觸熱生積痼

寄無斁

敬問晁夫子宮池幾許深已應飛鳥下復作臥龍吟待我中痾愈同君把臂臨泥塗無去馬夏木有來禽

次韻別張芸叟

中年為別更堪頻四海為家託一身此別時須問生死孰知詩



力解窮人

宿深明閣二首

窈窕深明閣晴寒是去年老將灾疾至人與歲時遷默坐原如在孤燈共不眠莫年身萬里賴有故人憐  
縹緲金華伯人間第一人劇談連晝夜應俗費精神時要平安報反愁消息真墻根霜下草又作一番新

東山謁外大父墓

土山宛轉屈蒼龍下有槃三蓋世翁萬木刺天元自直叢篁覆道更須東百年富貴今誰見一代功名託至公少日拊頭期類我莫年垂淚向西風

次韻晁無斁冬夜見寄

寒窓冷夜欲生塵短枕長衾却自親老子形骸從薄莫先生意氣尚青春覆杯不待回丹頰危坐猶能作直身城郭山林兩無

得暮年當復幾霑巾

寒夜有懷晁無斁

同好共城郭十日不一顧人事雖好乖吾生亦多忤闔門對妻子歲月不可度閉目寧用遮停杯仍下筯獨無區中緣永懷岩下趣平生三徑資安得一朝具萬里初歷塊前驅告曛暮端懷屬有思弃世不待怒老境厭逶遲人情費將護向來張長公吾亦從茲去燈花仍作喜月色正可步預恐何水曹明朝有新句

除夜

七十已強半所餘能幾何懸知莫景促更覺後生多遁世名為累留年睡作魔西端端着便老子不婆婆

寄鄧州杜侍郎紘

南陽老幼如雲屯連日城東候使君後者排前旁撻出爭先見面作慇懃六年重來已白髮一日再見回青春道旁過者恠相



問共言杜母真吾親使君雖老心尚壯文采風流諸謝上名家  
從昔杜陵人盛德于今文人行我昔臥病老彭城函舡鳴鼓千  
里行致書饋奠初未識了寧勞苦如平生人言此事今未有古  
人中求還得否忘年屈勢不虛辱公取為德吾何取菊潭之水  
甘且潔潭上秋花照山白請公酌此壽百年奕奕長為此邦伯  
孰先一州後四方重金疊蓋登廟堂請從今日至雲來月三十  
斛輸洛陽爾雅之孫之子為來孫仍孫之子  
為雲孫杜君漢州郾城人後徙洛陽

寄提刑李學士

石渠金馬青雲上東里西門濟水邊上冢過家真樂事平時持  
節貴當年成家舊學諸儒問脫手新詩萬口傳范叔一寒今若  
此相逢猶得故人憐

寄杜釋之

自注云杜寄  
惠近詩

詩家兩杜昔無鄰文采風流世有人疾置送詩驚老醜坐曹得

句自清新興來不假江山助日過渾如草木春農馬智專吾不  
讓衡陽紙貴子能頻

次韻晁無斁春懷

城郭朝陽散積陰郊原注日日青深年衰鷗鷺如今是夢斷邯  
鄲何處尋語鵲飛鳥春稍重簾深院晚沈不辭杖履衝泥  
雪未有瓊琚報好音

寄晁無斁

稍聽春鳥語叮嚀又見官池出斷水雪後踏青誰與共花間着  
語老猶能笑談莫倦尋常聽山院終同一再登今日已知他日  
恨搶榆况得及飛騰

別寶講主

此地相逢晚他方有勝緣呪功先服猛戒力得扶顛慙息三支  
論重叅二祖禪夜沐鞋脚別何處着行纏



還里韻曹

曠士愛吾廬遊子歸故鄉慷慨四方志老衰但悲傷虛名自成  
誤失得略相當莫年還家樂未覺道里長閭里喜我來車馬塞  
康莊爭前借言色草木亦晶光向來千人聚一老獨徜徉手開  
南陽阡松柏鬱蒼蒼永願守一丘脫身萬里航平生功名念倒  
海浣我腸歎段引下澤斷弦更空觴尚恐北山南有文移路傍

答魏衍黃預勉予作詩

我詩淺短子貢墻衆目俯視無留藏句中有眼黃別駕洗滌煩  
熱生清涼人言我語勝黃語扶墜夜燎齊朝光三年不見萬里  
外安得奮身置汝傍近來諸子復秀發曾未幾見如端章剩欲  
摧藏讓頭角豈是有音群見傷于人無怨我何恨愛者尚衆猶  
吾鄉平生不自解嘲諷福來亦復非周防我衰氣索不自振正  
賴好語能恢張詩家小魏新有聲舊傳秀句西里黃後生學行

闕師友臨路不進空迴遑看君事業青雲上聽渠蟬螿生膏肓

老柏三首

疎序瘦如故余寓其舍數以水洗之遂有生意

庭柏無生意摧殘二十秋稍需杯水潤已與歲寒謀黃裏青  
出愁邊稍二瘳會看筆鶴下莫雀莫深投

英姿帶枯槁勁節闕和柔物理有照壞人情成去留稍看栖鳥  
集聊待晚風秋解道庭前柏何曾識趙州

歲月那能託風霜亦飽經槁乾仍故節潤澤出新青色與江波  
共聲留靜夜聽輝之垂重露點之綴流螢

魏衍見過

暑雨不作涼爽風祇自高我老亦衰疾奈此正鬱陶魏侯有新  
語高處近風騷隱几聆五字未覺歷日勞洒然墮水井起粟豎  
寒毛三山已在目萬象誰能逃歷險見絕足過口味豚膏願為  
夏雷鳴莫作飢鴛鴦號



次韻榮火

年侵觀物化共被四時催  
燭二孤光動翩二度水來稍能穿  
幔入已復受風回投卷吾哀矣  
微吟子壯哉

夏日江邨次韻

漏屋簷生菌臨江楹作門捲簾通燕子  
織竹護鷄孫向夕微涼進相逢  
故意存何當加我歲從子問乾坤

次韻觀月

風雲隨落日河漢欲回天  
隔卷如千里還家已再圓  
簾疎風細細江淨共娟娟  
他日吾何適聽詩說去年

次韻夏日

江上雙峰一草堂  
門閑心靜自清涼  
詩書發冢功名薄  
麋鹿同羣歲月長  
白解醉佳人錦瑟傍

夏夜有懷顯山居士

臥念張居士逃名老石根  
學詩端得瘦識字即空樽  
鳴笛夜宜遠燈花曉更繁  
未須哀老子也復守丘園

送杜擇之

兩父論詩伯仲間  
去思今識謝家安  
曠懷亦苦中年別  
歸翼仍愁行路難  
四壁未堪風雨夕  
百園已試雪霜寒  
欲逃富貴疑無地  
千丈竿頭試手看

楊夫人挽詞注云暉

初說南奔道路長  
湖邊丹旆已飛揚  
百年積慶鍾連璧  
十念收功到上方  
絳幔未經親宋母  
綠衣猶記識黃裳  
欲圖不朽須詮載  
今代誰堪著石章

栢山栢山作

平江如抱貫秦洪  
雙嶺馳來欲並雄  
是物皆為萬世計  
闔棺猶



有一朝窮林出特起終有汙美惡千年竟不空尚有風流羊叔  
子稍經滄洗與清風

答顏生

煩君臨問我何堪剝欲從君十日談老退不應稱敏捷顏蒼寧  
復借紅酣世間公器毋多取句裏宗風却飽叅陋巷遠孫還好  
學未容光祿擅東南

送劉主簿義仲字壯興

平生師友豫章公矧二談君口不空半面相看吾已了連城增  
價子何窮三千奏牘諸儒上四百菴寮一歲中二父風流皆可  
繼謗禪排道不須同

觸目

溪響飢魚食川朋柱點斜驚禽穿密竹噪鵲立浮查谷暗山嵐  
雨林喧雀啁地鄉閣等行路何處更為家

晚望

黑雲映黃槐更着白鳥度蟬鳴不餘力蛙腹能許怒稱目有佳  
思側徑無好步興來成獨往意得誰與賦

送高推官

先生鍾舊德大府冠羣能過手無難事逢人有異稱荐賢餘一  
鶚夙記契千燈看挽秦梁纜頭二數不勝

和黃預感秋

宿雲護朝霜秋陽佐殘暑蠅痴驅復來汗下拭莫禦庭梧自黃  
隕風過成夜語幸自可憐生胡然遽如許黃生多新詩如盆蛩  
抽緒唱高難款乃雋永得咀意合無古今投暗有迎拒名成  
弟子韓價重先生褚向來得斯人孰謂予齟齬晚炊鄰僧未畫  
拾狙公茅甘酸皆適口霜黃未登俎門有曲逆車謗甚北山女  
寧為溝中斷不作太倉鼠老退無好懷續明然兩炬搔首不成



眠寒蟲促机杼

和顏生同游南山

竹杖芒鞋取次行  
琳琅觸目路人驚  
當年此日仍為客  
病目今來喜再明  
筋力尚堪供是事  
登臨那得摠無情  
已知名世徒為爾  
可復緣渠太瘦生

僧慧僧和同往南山

驥駮同羣鴻雁行  
登臨端為作重陽  
南臺二謝風流絕  
準擬歸來古錦囊

柏

用直寧論世名成  
不待官低枝綠我  
有偃蓋到誰看  
秀色有新故英姿  
無暑寒要為千歲  
計豈慮萬牛難

謝端硯

王家舊物群偷後  
石出壘溪百丈深  
揮翰吾非玉堂手  
斷金君

有古人心

捕狼

一狼將四子二嶺走  
千羊意得無前敵  
時乘關後防寧知  
射生手已發弩机  
張會使鳥鳶飽空  
令豺虎傷

和魏衍元夜同登黃樓

車馬競清夜人物秀  
三楚登臨得免俗  
茲樓豈時睹同來  
兩稚子冠者亦四五  
落二俱可人頗亦  
厭歌鼓山月出未  
高潛鱗動寒渚檣  
燈接稀星奪目聚  
不數魏侯轉物手  
百好趨就叙得句  
未肯吐秀氣出眉  
宇水淨納行點山  
空荅脩語夜氣稍  
侵肌鳥駭去其侶  
清游豈有極喜事  
戒多取投靜未免  
喧于今豈非古永  
懷寂寞人南北忘  
所在橫嶺限魚鳥  
作書欲誰與情生  
文自哀意動足復  
佇堯檻共一默望  
舒已侵午

和元夜



卷三  
笳鼓喧燈市車輿避火城彭黃爭地勝汴泗迫人情梅柳春猶  
淺關山月正明賦詩隨落筆端復可憐生

和魏衍同遊阻風


舊說東風末世情不應作意斷人行絕須一怒催新句更可多  
憂促難生勝日着忙端取怪妙年得此未須驚懸知出處非吾  
事已復星河爛熳晴

招黃魏二生

出門不雨即偶風閉門值睡極力攻似聞湯鼎作吟聲已賀勝  
敵收全功却思二子共一笑撥弃舊語無新工卒行好步不兩  
得能致公等我何窮魏詩黃筆今未有願我獨得神所鍾稭須  
相就踏泥濘已辦煮餅澆油葱

后山詩集卷第三





卷三



